

AKPA MMỌŃ UWEM

Eriyarare 22:1-21

QYQHỌ UKPEP-ŃKPỌ 467

Eke Mkp̄arawa

IKỌ IBUOT: “Owo eke amade, yak edi edibọ mmọŃ uwem ke ikpikpu’ (Eriyarare 22:17).

Tọsin Isua

Nnyin emi inyenede uñwam oto ke mfọn emi Abasi ọnọde ke erinyaña, edinam-asana ye uduok-mmọŃ Edisana Spirit, inyuñ ikade iso ndidu uwem nnọ Jesus kpukpru usen, ndusuk ini idibighike, iyekut ererimbot emi nte ediyede akan eke mfin emi. Kpukpru mme nkpo eke ekoride, mme eto, mme flawa, mme ikon eyeye eti-eti, ekpon enyuñ efon. Kpukpru mme unam, idem mme urukikot, mme ekpe ye mme usimekpe edidi se idunde ye owo, ndien nnyin idikopke ndik, koro Jesus edidi andikara ke tosin isua.

Obufa EnyọŃ Ye Obufa IsoŃ

Ediwak nkpo esuk ededu emi idikutde, ndien oro edi ke ini Abasi edinamde Obufa enyọŃ ye Obufa IsoŃ. Ke Obufa isoŃ emi mbufa owo edidu, mme owo emi ekenamde mmọ edi mbufa emi ekenyañde ke ini mmọ ekedude ke ererimbot emi. “Ntem edieke owo odude ke Christ, ema ebote enye obufa, nkani nkpo ema ebe efep: sese, emekabare edi mbufa” (2 Nwed Corinth 5:17). Abasi enyọ obio emi ekotde Obufa Jerusalem oto ke Heaven ọsuhore edi. Inyañ MmọŃ Uwem eyewet ebe ke efak Obio emi.

Eto Uwem

Eto emi okoride ke mben inyañ uwem emi ke edem mbiba edi eto uwem. Eto emi inyeneke oruk mfri kiet, edi enye onwum oruk mfri duopeba. Kpukpru ofion enye asiaha ikon, onyuñ esehe ndien mme mfri ke eto uwem enyuñ edat. Mme idut, akwa otu owo emi eduñde ke obufa isoŃ oro, eyeduk enyuñ eworo ke mme inua otop Obufa Jerusalem, koro mme inua otop emi ena inwañ kpukpru ini. Okoneyo iduhe do. Mme owo eyedia mfri eto uwem enyuñ edu uwem ke nsinsi.

Abasi okono Adam ye Eve Eto emi ke ata akpa ntoño. Mmọ ekpenyene ndidia enye nyuñ ndu uwem ke nsinsi, edi utu ke oro mmọ etut-utoñ ndien ebin mmọ efep ke Inwañ. Toño ke kpukpru mme emana tutu osim ini Adam ye Eve ndien edibot obufa isoŃ, akananam owo inyeneke unen ke Eto Uwem. Idaha emi nko ke Obufa Jerusalem, Eto uwem odu, ndien kpukpru mme idut edia ikon esie enyuñ ekop nsönidem kpukpru ini. Mmọ eyedia mfri eto emi ndien idikpaha.

Andidiok iduke obufa isoŃ emi koro ebop enye esin ke Hell ke nsinsi ye kpukpru mme owo emi mikekabakere esit ke mme idiok-nkpo mmọ ke ererimbot emi. Mme mmọ oro ekekopde ndik nditiene Christ oto ke se mme owo etiñde mme enamde, ye mmọ oro esude nsu, ekpedi ekpri “afia nsu,” ye mmọ oro ekeneñerede enam idiok-nkpo, eyebop kpukpru mmọ esin ke hell ye Satan. Mmọ ikemeke ndiworo do. Nsunikañ ndutuhọ mmọ inimeke ke nsinsi nsinsi.

Obufa Jerusalem

Eyak nnyin ikere nte idu ke Obufa Jerusalem idahaemi. Nnyin iyomke ikañ ndiyama man nnyin ikut usuñ, nnyin inyuñ iyomke ndibet tutu utin asiaha, koro Abasi ke Idemesie edide uñwana obio oro. Kpukpru owo emi edude ke obio oro enyene enyiñ Qbon ke okpoiso mmọ. Nte nnyin isede nnyin ikut mmọ esañade ebe mi ye ko eka utom Abasi ye eke Jesus. Mmọ eti nnyin ebaña mme asaña utom nditọ Jew ke ini Moses. Ke isua utom itiokiet ama ebe mmọ enyene unen ndikpon ete ufok mmọ, edi owo kiet eke editiñde inwañ-inwañ ete imọ imama ete ufok imọ inyuñ iyom nditie, eyeda ke enyin-usuñ ndien ete ufok eyetibi ndudu ke uton esie. Ke ntre ke enye edinyene idiño emi owutde ete enye ama onyime ndinam nkpo nnọ ete ufok esie ke nsinsi. (Exodus 21:5, 6).

Anditiene-Christ mfin emi enyene unen ndiworo nkpon nyuñ nnam nkpo nnọ andidiok, edi enye nditim n wut inwañ-inwañ ete ke imọ imama Abasi inyuñ iyom ndinam nkpo Esie ke nsinsi. Enye obiom idiño eyen Abasi. Idighe idiño eke ekutde ke uton mme ke okpoiso, edi mme nkpo emi enye etiñde, mme nkpo emi enye anamde, mme ebiet emi enye esikade enim enye idiño ete ke enye edi anditiene Jesus.

Ke ekikere nnyin imokut mmọ emi ekenamde nkpo enọ Abasi ke ison, idahaemi esaña ke ediye efak gold, kpukpru ini ke iso Abasi emi mmọ ekemekde ndinam nkpo nno ke nsinsi. Akpa, mmọ ekemek ndinam nkpo nno Abasi ke ini ekedude mi ke ison; mmọ ema enam nkpo enọ Abasi ke tosin isua emem, ndien idahaemi ke Obufa enyofn ye Obufa ison mmọ esuk eka iso enam mme nkpo emi ekenode mmọ akwa inemesit.

Ndidi Usop-usop

Ke ufañ 6 angel emi okowutde John mme nkpo emi etin ete ke Abasi okodon imo ete iwut mme nkpo emi editibede ke ekpri ibio ini. Oro edi mme nkpo oro editibede ke emana emi nnyin idude ye mme nkpo oro eke edidide ke ukperedem. Mbufo emi ekotde mme ikọ emi, Jesus odohọ ete, “Sese, mmofn ndedi idaha emi. Ofofon onọ owo eke onimde ikọ prophecy nwed emi.” Eridi Jesus edidi nkpo mkpa-idem onọ mme otu owo emi eduñde ke ison idaha emi, edi yak eridi Esie okusim fi nte etiede ke ndue idem koro afo omokot ofuri Nwede Eriyarare ndien ofiok ete Jesus emekeme ndidi ini kiet ekededi. Edieke afo osukde ibuo onyufn obode kpukpru se afo ofiokde ke Ikọ Abasi afo eyedi kiet ke otu mmọ emi ediñde emi edimende edok ke ini Jesus edidide.

Utip

“Ini ke ekpere,” Nwede odohọ ntre. Ini edidi Jesus ekpere, ndien ke ini ukorowo edisorode uyo ini ididuhe aba inọ idiok owo ndibọ erinyaña mme ndiyet mmọ emi ekenyafnade esana (Ufañ 11). Jesus eyedi usop-usop ndien eyenọ mmọ oro eketienede Enye ke akpanikọ utip nditie ke nkañ Esie ke Usoro Ndo Eyenerofn, nko ye itie ke Obio Ubofn Esie ke tosin isua emem, ye unen ndito ke inua-otop Obufa Jerusalem mbe nduk nyufn nyene udeme ke Eto Uwem.

Jesus ekebeñe kpukpru emi onọ akpan-akpan mmọ emi emade Enye enyufn enamde nkpo Esie (John 14:1-3). Edi idiok owo, enye edidu ke mmofn? Enye inyeneke udeme ke Eto Uwem; enye edidu ke hell ke nsinsi itie ndutuhọ emi asakde ikañ ye brimstone. Enye eyedok utip mme idiok edinam esie.

Di

Jesus okodon angel nditiñ nno John ete ewet Nwede Eriyarare man ikeme ndifiok se iditibede inyufn idu ke mbeñe idem. Ndien idahaemi, nte ini edide ibio, ndien Jesus otim ekpere ndidi ke ererimbot, ofuri Obio Ubofn Abasi ediana ke ndikot kpukpru owo ete edibọ Mmofn Uwem enyufn ebọ erinyaña. “Spirit ye nwan-ndo edohọ ete, Di. Owo eke onyufn okopde, yak enye odohọ ete, Di. Owo eke itofn asatde, yak enye edi edibọ mmofn uwem ke ikpikpu.”

“Ke akpanikọ, mmofn ndedi iwiwa,” Jesus odohọ. Nte esit fo emenyime, “Di, Obofn Jesus?”

MME MBUME

- 1 Nso idi Mmofn uwem?
- 2 Ke mmofn ke ekebemiso etin nkpo ebaña Eto Uwem?
- 3 Nso utọ oruk ibon enyene udume ke Eto Uwem?
- 4 Nso idi idiñọ emi mme anditiene Jesus enyenede idaha emi?
- 5 Nso idi kiet ke otu nkpo emi edisopde inam?
- 6 Nte ini eyedu ndibọ erinyaña ke ini Jesus edidide?
- 7 Nso iditibe inọ mbio emi enyenede udeme ke Eto uwem?
- 8 Mmofn ke mme idiok owo edidu?
- 9 Nso utọ ikot ke Spirit Abasi ye kpukpru ikot Abasi enọ idaha emi?
- 10 Ke ini Jesus odohode “Ke akpanikọ, mmofn ndedi iwiwa,” nso idi ekikere fo?